

O rēmus.

Oratio.

Ecclesiā tuam, Dōmine, benignus illūstra; ut beāti Joānnis Apōstoli tui & Evāgelistæ illumināta doctrinis, ad dona pervēniat sempiterna. Per Dōminum nostrum. *R.* Amen.

Deinde pro commemor. SS.

Innocentium, Añā. Hi sunt, qui cum mulieribus non sunt coinquinati; Virgines enim sunt, & sequuntur agnum quocūque ierit. *V.* Herodes iratus occidit multos pueros. *R.* In Bēthlehem Judæ civitate David.

O rēmus.

Oratio.

Deus, cujus hodierna die præconium Innocentes martyres non loquendo, sed moriendo confessi sunt: omnia in nobis vitiōrum mala mortifica; ut fidem tuam, quam lingua nostra loquitur etiam moribus vita fateatur.

Postea fit commemoratio de Nativitate, Añā. Hodiē Christus

na-

natus est: hodiē Salvator apparuit: hodiē in terra canunt Angeli, lætantur Archangeli: hodiē exultant justi, dicentes: Glōria in excelsis Deo, allelūia. *V.* Notum fecit Dōminus, allelūia. *R.* Salutāre suum, allelūia.

O rēmus.

Oratio.

Concēde quæsumus omnipotens Deus: ut nos Unigeniti tui nova per carnem nativitas liberet, quos sub peccati jugo vetusta servitus tenet.

Pro S. Stephano, Antiphona.

Sepeliērunt Stēphanum viri timorati, & fecerunt planctum magnum super eum. *V.* Stēphanus vidit cœlos apertos. *R.* Vidit & introivit: beatus homo, cui cœli patēbant.

O rēmus.

Oratio.

DA nobis, quæsumus Dōmine, imitari quod colimus; ut discāmus & inimicos diligere: quia ejus natalitia celebrāmus, qui

L

no-

novit étiam pro persecutóribus ex-
oráre Dóminum nostrum. *R.* Amen.
Ps. Dóminus vobiscum. *R.* Et cum
spíritu tuo. *Ps.* Benedicámus Dómi-
no. *R.* Deo grátias. *Ps.* Fidélium
ánimæ per misericórdiam Dei re-
quiescant in pace. *R.* Amen.

IN FESTO
SANCTORUM INNOCENTIUM.
Duplex.

AD MATUTINUM.

*P*ater noster. *A*ve María. *C*redo.
Versus.

Domine lábia mea apéries. *R.* Et
os meum annuntiábit lau-
dem tuam. *Ps.* Deus in adjutórium
meum inténde. *R.* Dómine ad ad-
juvándum me festína. *G*loria Patri.
*S*icut erat. Allelúia.

Invitatorium. Regem Mártyrum
Dóminum, * Veníte adorémus.
Psalmus. Veníte, exultémus, *ut*
suprà. 24.

Hym-

Audit tyránnus ánxius
Adesse Regum Príncipem,
Qui nomen Israël regat,
Teneátque David régiam.

Exclámat amens núntio:
Succéssor instat, péllimur:
Satélles i, ferrum rape:
Perfúnde cunas sánguine.

Quid próficit tantum nefas?
Quid crimen Heròdem juvat?
Unus tot inter fúnera
Impúnè Christus tollitur.

Jesu tibi sit glória,
Qui natus es de Vírgine,
Cum Patre, & almo Spíritu,
In sempitérna sécula. Amen.

In primo Nocturno,

Aña. Secus decúrsus aquárum plan-
távit véneam justórum, & in lege
Dómini fuit volúntas eórum.

Psalmus 1.

Beátus vir, qui non ábiit in
consílio impiórum, & in
via peccatórum non stetit: * &

in cathedra pestilentiae non sedit:
Sed in lege Domini voluntas ejus, *
 & in lege ejus meditabitur die ac
 nocte.

Et erit tamquam lignum, quod
 plantatum est secus decursus aquarum,
 * quod fructum suum dabit
 in tempore suo:

Et folium ejus non defluet, * &
 omnia quaecumque faciet prospera-
 buntur.

Non sic impii, non sic: * sed
 tamquam pulvis, quem projicit
 ventus a facie terrae.

Ideo non resurgent impii in judi-
 cio: * neque peccatores in concilio
 justorum.

Quoniam novit Dominus viam
 justorum: * & iter impiorum per-
 ibit.

Gloria Patri. Sicut erat.

Añã. Secus decursus aquarum plan-
 tavit vineam justorum, & in lege
 Domini fuit voluntas eorum.

Añã. Tamquam aurum in fornace
 pro-

probavit electos Dominus: & qua-
 si holocausta accepit eos in ateri-
 num.

Psalmus 2.

Quare fremuerunt Gentes, *
 & populi meditati sunt inania?

Astiterunt Reges terrae, & prin-
 cipes convenerunt in unum: * ad-
 versus Dominum, & adversus
 Christum ejus.

Dirumpamus vincula eorum: * &
 projiciamus a nobis jugum ipsorum.

Qui habitat in caelis iridebit eos: *
 & Dominus subsannabit eos.

Tunc loquetur ad eos in ira sua: *
 & in furore suo conturbabit eos.

Ego autem constitutus sum Rex
 ab eo super Sion montem sanctum
 ejus, * praedicans praecipuum ejus.

Dominus dixit ad me: * Filius
 meus es tu, ego hodie genui te.

Postula a me, & dabo tibi Gen-
 tes hereditatem tuam, * & pos-

sessiōnem tuam tēminos terræ.

Reges eos in virga fērea, * & tamquam vas figuli confringes eos.

Et nunc reges intelligite: * erudimini qui iudicatis terram.

Servite Dōmino in timōre: * & exultate ei cum tremōre.

Apprehēdite disciplinam, nequādo irascatur Dōminus, * & pereatis de via justa.

Cūm exarserit in brevi ira ejus, * beāti omnes qui confidunt in eo.

Gloria Patri. **S**icut erat.

Añā. Tamquam aurum in fornāce probavit electos Dōminus: & quasi holocausta accēpit eos in ætēnum.

Añā. Si coram hominibus tormēta passi sunt, spes electōrum est immortālis in ætēnum.

Psalmus 3.

Domine, quid multiplicati sunt qui tribulant me? * multi insurgunt adversum me.

Multi dicunt animæ meæ: *

Non

Non est salus ipsi in Deo ejus.

Tu autem Dōmine susceptor meus, * glōria mea, & exaltans caput meum.

Voce mea ad Dōminum clamavi: * & exaudivit me de monte sancto suo.

Ego dormivi, & soporatus sum: * & exurrexi, quia Dōminus suscepit me.

Non timēbo millia pōpuli circumdantis me: * exurge Dōmine, saluum me fac Deus meus.

Quoniam tu percussisti omnes adversantes mihi sine causa: * dentes peccatorum contrivisti.

Dōmini est salus: * & super pōpulum tuum benedictio tua.

Gloria Patri. **S**icut erat.

Añā. Si coram hominibus tormēta passi sunt, spes electōrum est immortālis in ætēnum.

ψ. Lætāmini in Dōmino, & exultate justi. **℞.** Et gloriāmini omnes recti corde. **P**ater noster, **secretò.**

Y. Et ne nos inducas in tentationem. *R.* Sed libera nos à malo.

Absolutio. *E*xaudi Dómine Jesu Christe preces servórum tuórum, & miserere nobis, qui cum Patre & Spíritu sancto vivis & regnas in sécula seculórum. *R.* Amen.

Y. Jube domne benedícere. *Benedictio.* Benedictiône perpétua benedícat nos Pater atérnus.

R. Amen.

De Jeremía Prophéta.

Lectio j. *Cap. 31. c*

HÆc dicit Dóminus: Vox in excélsis audíta est lamentatiónis, luctus, & fletus Rachel plorántis filios suos, & noléntis consolári super eis, quia non sunt. Hæc dicit Dóminus: Quiéscat vox tua à plorátu, & óculi tui à lácrymis: quia est merces óperi tuo, ait Dóminus: & reverténtur de terra inimici. Et est spes novíssimis tuis, ait Dóminus: & reverténtur filii ad términos suos. Tu au-

autem Dómine miserere nobis.

R. Deo grátias.

R. Centum quadragínta quatuor millia, qui empti sunt de terra, hi sunt qui cum muliéribus non sunt coinquináti: * Virgines enim permansérunt, ideo regnant cum Deo, & Agnus Dei cum illis.

Y. Isti sunt qui venérunt ex magna tribulatióne, & lavérunt stolas suas in ságuine Agni. Virgines enim permansérunt, ideo regnant cum Deo, & Agnus Dei cum illis.

Y. Jube domne benedícere. *Benedictio.* Unigénitus Dei Fílius nos benedícere & adjuvare dignétur.

R. Amen.

Lectio ij.

AUdiens audivi Ephraím transmigrántem: Castigásti me, & erudítus sum, quasi juvenculus indómitus: convérte me, & convértar: quia tu Dóminus Deus meus. Postquam enim convertísti me, egi poeniténtiam: & post-

quam ostendisti mihi, percussi femur meum. Confusus sum, & erubui, quoniam sustinui opprobrium adolescentiæ meæ. Si filius honorabilis mihi Ephraïm, si puer delicatus: quia ex quo locutus sum de eo, adhuc recordabor ejus. Tu autem Dómine miserere nobis.

R. Deo grátias.

R. Sub altâre Dei audivi voces occisôrum dicentium: * Quare non defendis sanguinem nostrum? & acceperunt divinum respónsum: Adhuc sustinête módicum tempus, donec impleâtur númerus fratrum vestrôrum. *Ps.* Vidi sub altâre Dei ánimas interfectorum propter verbum Dei, & propter testimónium quod habebant; & clamabant voce magna, dicentes. Quare non defendis sanguinem nostrum? & acceperunt divinum respónsum: Adhuc sustinête módicum tempus, donec impleâtur númerus fratrum vestrôrum.

Ps. Ju-

Ps. Jube domne benedicere. *Benedictio.* Spíritus sancti grátia illúmet sensus & corda nostra. *R.* Amen.

Lectio iij.

STátue tibi spéculam, pone tibi amaritúdes: dirige cor tuum in viam rectam, in qua ambulásti: révertere virgo Israël, révertere ad civitâtes tuas istas. Usquequò delíciis dissolvêris filia vaga? quia creâvit Dóminus novum super terram: Fœmina circúmdabit virum. Hæc dicit Dóminus exercítuum, Deus Israël: Adhuc dicent verbum istud in terra Juda, & in úrbibus ejus, cum convértero captivitâtem eorum: Benedícat tibi Dóminus, pulchritúdo justitiæ: mons sanctus. Tu autem Dómine miserere nobis.

R. Deo grátias.

R. Adoravérunt vivéntem in sécula seculôrum, * Mitténtes coronas suas ante thronum Dómini Dei sui.

Ps. Et cecidérunt in conspéctu throni in fácies suas: & benedixérunt

runt vivéntem in sécula seculórum.
Mitténtes coronas suas ante thro-
num Dómini Dei sui. **G**loria Pa-
tri, & Fílio, & Spirítui sancto.
Mitténtes coronas suas ante thro-
num Dómini Dei sui.

In secundo Nocturno,

Aña. Dabo sanctis meis locum no-
minátum in regno Patris mei, dicit
Dóminus.

Psalmus 14.

Domine, quis habitábit in ta-
bernáculo tuo? * aut quis
requiescet in monte sancto tuo?

Qui ingreditur sine mácula, * &
operátur justítiam.

Qui loquitur veritátem in corde
suo, * qui non egit dolum in lin-
gua sua:

Nec fecit próximo suo malum, *
& opprobrium non accépit advér-
sus próximos suos.

Ad nihilum deductus est in cons-
pectu ejus malignus: * tíméntes
autem Dóminum glorificat:

Qui

Qui jurat próximo suo, & non
décipit, * qui pecúniam suam non
dedit ad usúram, & múnera super
innocéntem non accépit.

Qui facit hæc, * non movébitur
in ætérnum.

Gloria Patri. **S**icut erat.

Aña. Dabo sanctis meis locum no-
minátum in regno Patris mei, dicit
Dóminus.

Aña. Sanctis qui in terra sunt ejus,
mirificávit omnes voluntátes meas
inter illos.

Psalmus 15.

Consérva me Dómine, quó-
niam sperávi in te. * Dixi
Dómino: Deus meus es tu, quó-
niam bonórum meórum non eges.

Sanctis, qui sunt in terra ejus, *
mirificávit omnes voluntátes meas
in eis.

Multiplicátæ sunt infirmitátes eò-
rum: * póstea acceleravérunt.

Non congregábo conventícula eò-
rum de sanguinibus, * nec memor

ero

ero nómimum eórum per lábia mea.
Dóminus pars hæreditátis meæ,
 & cálicis mei: * tu es, qui restítues
 hæreditátem meam mihi.

Funes ceciderunt mihi in præcláris: * étenim hæreditas mea præclára est mihi.

Benedícam Dóminum, qui tríbuit mihi intelléctum: * însuper & usque ad noctem increpuérunt me renes mei.

Providébam Dóminum in conspéctu meo semper: * quóniam à dextris est mihi, ne commóvear.

Propter hoc lætátum est cor meum, & exultávit lingua mea: * însuper & caro mea requiescet in spe.

Quóniam non derelínques ánimam meam in inférno: * nec dabis sanctum tuum vidére corruptiõnem.

Notas mihi fecisti vias vitæ, adimplébis me lætítia cum vultu tuo: * delectatiõnes in dextera tua usque in finem.

Gloria Patri. **S**icut erat.

Añã.

Añã. Sanctis qui in terra sunt ejus, mirificávit omnes voluntátes meas inter illos.

Añã. Sancti qui sperant in Dómino, habébunt fortitudinem, assument pennas ut áquilæ, volábunt, & non deficient.

Psalmus 23.

Domini est terra, & plenitúdo ejus; * orbis terrárum, & univérsti qui hábitant in eo.

Quia ipse super mária fundávit eum: * & super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus & mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiõnem à Dómino: * & misericórdiam à Deo salutári suo.

Hæc est generátio quæréntium eum,

eum, * quærentium faciẽm Dei Jacob.

Attollite portas principes vestras, & elevamini portæ æternales, * & introibit rex gloriæ.

Quis est iste rex gloriæ? * Dóminus fortis & potens: Dóminus potens in prælio.

Attollite portas principes vestras, & elevamini portæ æternales: * & introibit rex gloriæ.

Quis est iste rex gloriæ? * Dóminus virtutum ipse est rex gloriæ.

Gloria Patri. **S**icut erat.

Aña. Sancti qui sperant in Dómino, habebunt fortitudinem, assument pennas ut aquilæ, volabunt & non deficient.

Y. Exultent justi in conspectu Dei.

R. Et delectentur in lætitia. **P**ater noster, **secretò.** **Y.** Et ne nos inducas in tentationem. **R.** Sed libera nos à malo. **Absolutio.** **I**psiùs pietas & misericordia nos adjuvet, qui cum Patre & Spiritu sancto

vivit & regnat in sæcula seculorum.

R. Amen.

Y. Jube domne benedicere. **Benedictio.** Deus Pater omnipotens sit nobis propitius & clemens.

R. Amen.

Sermo S. Augustini Episcopi.

Sermone 10. de Sanctis.

Lectio iv.

Hodie, fratres charissimi, natalem illorum infantium colimus, quos ab Herode crudelissimo rege interfectos esse, Evangelii textus eloquitur. Et ideo cum summa exultatione gaudeat terra, cœlestium militum & tantarum parens foecunda virtutum. Ecce profanus hostis numquam beatis parvulis tantum prodesse potuisset obsequio, quantum profuit odio. Nam, sicut sacratissimum presentis diei festum manifestat, quantum in beatos parvulos iniquitas abundavit, tantum in eis gratia benedictionis refudit. Tu autem Dómi-

mine miserere nobis. *R.* Deo gratias.

R. Effuderunt sanguinem sanctorum velut aquam in circuitu Jerusalem: * Et non erat qui sepeliret.

V. Posuerunt mortalia servorum tuorum escas volatilibus caeli, carnes sanctorum tuorum bestiis terrae, Et non erat qui sepeliret.

V. Jube domne benedicere. *Benedictio.* Christus perpetuae det nobis gaudia vitae. *R.* Amen.

Lectio v.

Beata es, o Bethlehem terra Juda, quae Herodis regis immanitatem in puerorum extinctione perpessa es: quae sub uno tempore candidatam plebem imbellis infantiae Deo offerre meruisti. Digne tamen natalem illorum colimus, quos beatius aeternae vitae mundus edidit, quam quos maternorum viscerum partus effudit. Siquidem ante vitae perpetuae adepti sunt dignitatem, quam usuram praesentis acceperint. Tu
au-

autem Domine miserere nobis.

R. Deo gratias.

R. Isti sunt sancti, qui passi sunt propter te Domine: vindica eos,

* Quia clamant ad te quotidie.

V. Vindica Domine sanguinem sanctorum tuorum, qui effusus est. Quia clamant ad te quotidie.

V. Jube domne benedicere. *Benedictio.* Ignem sui amoris accendat Deus in cordibus nostris. *R.* Amen.

Lectio vj.

Aliorum quidem pretiosa mors martyrum laudem in confessione promeruit; horum in confessione complacuit. Quia incipientis vitae primordiis, ipse eis occasus initium gloriae dedit, qui praesentis terminum imposuit. Quos Herodis impietas lactantes matrum uberioribus abstraxit, qui jure dicuntur Martyrum flores, quos in medio frigore infidelitatis exortos, velut primas erumpentes Ecclesiae gemmas, quaedam persecutionis
pru-

pruina decóxit. Tu autem Dómine miserere nobis. *R.* Deo grátias.

R. Isti sunt, qui non inquinaverunt vestiménta sua : * Ambulábunt mecum in albis, quia digni sunt.

V. Hi sunt, qui cum mulieribus non sunt coinquináti : Virgines enim sunt. Ambulábunt mecum in albis, quia digni sunt. *Gloria Patri, & Fílio, & Spirítui sancto. Ambulábunt mecum in albis, quia digni sunt.*

In tertio Nocturno.

Añã. Justi autem in perpétuum vivent, & apud Dóminum est merces eórum.

Psalmus 39.

EXultáte justi in Dómino : * rectos decet collaudatio.

Confitémيني Dómino in cithara : * in psalterio decem chordarum psallite illi.

Cantáte ei canticum novum : * bene psallite ei in vociferatióne.

Quia rectum est verbum Dómini,

ni, * & ómnia ópera ejus in fide.

Díligit misericórdiam & judícium : * misericórdia Dómini plena est terra.

Verbo Dómini cœli firmáti sunt : * & spírítu oris ejus omnis virtus eórum.

Cóngregans sicut in utre aquas maris : * ponens in thesauris abyssos.

Tímeat Dóminum omnis terra : * ab eo autem commoveántur omnes inhabitántes orbem.

Quóniam ipse dixit, & facta sunt : * ipse mandávit, & creáta sunt.

Dóminus díssipat consília géntium : * réprobat autem cogitationes populórum, & réprobat consília príncipum.

Consílium autem Dómini in ætérnum manet : * cogitationes cordis ejus in generatióne & generatióne.

Beáta gens, cujus est Dóminus Deus ejus * pópulus, quem elégit in hæreditátem sibi.

De caelo respéxit Dóminus: * vidit omnes filios hóminum.

De præparáto habitáculo suo: * respéxit super omnes, qui hábitant terram.

Qui finxit singillátim corda eórum: * qui intélligit ómnia ópera eórum.

Non salvátur rex per multam virtútem: * & gigas non salvábitur in multítudine virtútis suæ.

Fallax equus ad salútem: * in abundantia autem virtútis suæ non salvábitur.

Ecce óculi Dómini super metuén-tes eum: * & in eis, qui sperant super misericórdia ejus.

Ut éruat à morte ánimas eórum: * & alat eos in fame.

Anima nostra sústinet Dóminum: * quóniam adjûtor & protéctor nos-ter est.

Quia in eo lætábitur cor nos-trum: * & in nómine sancto ejus sperávimus.

Fiat

Fiat misericórdia tua Dómine su-per nos: * quemádmódum sperá-vimus in te.

Glória Patri. *Sicut erat.*

Añã. Justi autem in perpétuum vivent, & apud Dóminum est merces eórum.

Añã. Isti, sunt qui venérunt ex magna tribulatióne, & lavérunt stolas suas in ságuine Agni.

Psalmus 33.

Benedîcam Dóminum in omni témpore, * semper laus ejus in ore meo.

In Dómino laudábitur ánima mea: * áudiant mansuéti, & læténtur.

Magnificáte Dóminum mecum: * & exaltémus nomen ejus in idípsum.

Exquisívi Dóminum, & exaudívit me: * & ex ómnibus tribulatió-nibus meis erípuit me.

Accédite ad eum, & illuminámi-ni: * & fácies vestræ non confun-déntur.

Is-